

Wi geng, jedä Mittwuch am 8i Unihockey ir Turnhauä bim Schueehus ds Utzigä.

Neumitgliederessen: Samschtig, 4. Januar 2020

Dr erscht Alass im nöie Jahr wei mir grad mit dä Nöimitglieder düreführe. Dir sit am 19:00 im Clubrum zum ässe iglade. Abem 21:00 si de di räschtleche Landjügel o hätzlech wiukomme die Nöie id Landjugi ufdsnäh und ihne d Ballerina vordssteue ☺. D Neumitglieder söue sich bir Rahel abmäde wenn si nid chöi cho.

Eisstockwerfen: Samschtig, 11. Januar 2020

Am Samstabe wei mir üs mit dr Landjugi Frienisberg-Süd im Eisstockwerfen mässe u när no zäme ads Barstreet chli ga blöd due. Ahmäde chöit dir öich bis am 6. Januar bir Sonja. Infos übere Treffpunkt überchömet dir no.

Konzert MG Utzigen: 11./15./18./19. Januar 2020

D Musiggellschaft Utzigen fröit sich uf jede Fau überne Bsuech a ihrem Konzert.

Ski Weekend: Fritig bis Sunntig, 24. bis 26. Januar 2020

Ds legendäre Ski Weekend ds St. Stephan ir Ritzhütte geit i di nächschi Rundi! Am Fritig Abe tüe mir säuber Choche und am Samschtig ässe mir ir Bar mit abschliessend Party Hard bis zum bitteren Ende... Mitnäh muesch e Schlafsack, Badhose oder Bikini, Ski-Usrüchtig und wases haut süsch no so brucht. So packe, dassd aues chaisch mit ufe Skilift näh und zur Hütte fahre mitem Gepäck. Ä grosse Teu geit scho am Fritig Morge, Treffpunkt am 7:15 bim Metzgerhüsi. Mä cha aber natürlech o no am Fritig Abe oder Samschtig Morge cho. Mä chunnt eifach nume zur Hütte, solange d Skilifte fahre. D Landjugi übernimmt d Übernachtig, Znacht und Zmorge. Dr Skipass zaut jede säuber. Äs het no es paar Plätz, auso unbedingt bir Sonja amäde!



Ice Party: Fritig u. Samschtig, 31. Januar u. 1. Februar 2020

Ds aujährlche Fest vor Landjugi untere Emme steit wieder ah u mir wei das sicher nid verpasse! Mir träffe üs diräkt vor dr Bar.

Air Boarden: Sunntig, 2. Februar 2020

Mir wei dä Spass im Schnee ga teste. Gnaueri Infos folge no... Amäde chame sich bim Fäbu.



Brunchen: Sunntig, 9. Februar 2020

Mir wei im Dälhölzli ga Brunche. Für das träffe mir üs am 08:15 Uhr im Clubrum. Dr Brunch startet am 09:00, falls öpper direkt chunnt. Amäde bir Tina bis am 2. Februar. Platzzahl isch beschränkt.

DV Region West: Fritig, 21. Februar 2020

Wär gärn mit ad Versammlig inkl. Znacht ds Ortschwabe bir Landjugi Frienisberg Süd wott ga, cha sich grad bir Sonja mäde für gnaueri Infos.

Theater LJ Frienisberg: Samschtig, 22. Februar 2020

D Frienisberger hei ume es guets Theater istudiert. Mir träffe üs am 18:45 Uhr im Boll und würde de grad dert Znacht ässe. Ds Theater startet am 20:00. Amäde bir Tina bis am 17. Februar.

Spielabend: Donnschtig, 27. Februar 2020

Wieder mau luege wär dr schneust isch im Ligretto, dr gemeinst im Brändidog oder weli die meiste Trümpf bim Jasse im Sack het. Üse gmüetlech Spiuabe starte mir am 19.30 im Clubrum.



Ski Rennen Region West: Sunntig, 1. März 2020

Wie geng fingt ds Ski Renne vor Region West uf dr Elsigenalp statt. Natürlech wei mir dr letschtjädrig Titu verteidige. Aber es dörfe ou gärn Lüt mitcho zum Skifahre ohni ds Renne ds bestrite oder aus Fanclub. Bir Sonja ahmäde bis am 23. Februar. Träffe düe mir üs am 08:30 Uhr im Boll.

Speckstein Essen: Donnschtig, 12. März 2020

Ds Hindelbank im Restaurant Krone chame ä guete Bitz Fleisch ufem Speckstei brate und so richtig zueschlaa. Das wei mir ga teste. Mir träffe üs am 19:00 Uhr im Boll. Amäde bir Rahel bis am 1. März.

DV SLJV: Samschtig u. Sunntig, 14. u. 15. März 2020

Die 64. SLJV DV findet in Mosnang SG statt. Für die witti Ahreis si vor Region West Bössli organisiert, dass mir üs aui zäme scho chli chöi ihstimme. Am Samstinami gömer zur Linder Suisse GmbH und iz Baumwipfeland Neckertal. Am Abe weimer vougas gäh ar IceBreak Party, so dases am Suntimorge meh aus eis Kaffi brucht furd DV ds lose. Ahmäude bir Sonja.

Holiday Night: Fritig u. Samschtig, 20. u. 21. März 2020

Alle Jahre wieder! D Rüeigsbächler si parat u mir sis ou! Man sieht sich dort...



Paint Ball: Sunntig, 29. März 2020

S wieder mau chönne lah tschäddere u Munition verchlepfä! Drum traffe mir üs mit dr Landjugi untere Emme am Sunnti Nami ds Mamishus zum grosse Paintball-Duell. Die gnaue Infos folge de churz vorhär. Ahmäude für dä Plusch chame sich bir Sonja bis am 22. März.

Vorschou:

- **Ostermäntiger:** 13. April 2020
- **Utzigen-Chilbi:** 17./18. April 2020
Tüet tou Wärbig mache!
- **Landjugi-Ferien Hamburg:** 24. bis 29. September 2020
Mä cha sich per sofort bir Sonja amäude

Kontakt:

Rahel:	079 767 92 87	Sonja:	079 327 29 25
Tina:	078 964 03 98	Leonie:	078 917 84 30
André	077 459 99 18	Sven:	079 105 73 57
		Fabian:	078 639 50 44

Landjugiprogramm



Januar – März 2020

